

聖王濟總錄

二十九

庫文閣内

函

漢

内閣文庫

番號 漢 12609

冊數 200 (34)

函號 300 212

0 1 2 3 4 5 6 7 8 9 10


A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale


C Y M

© Kodak, 2007 TM: Kodak






大學東
校典藉
局之印



大德重校聖濟總錄卷第二十九
傷寒門




傷寒壞病

傷寒狐惑

傷寒百合

傷寒陰陽易

傷寒鼻衄



總錄卷二十九

傷寒壞病
論曰傷寒大陽病三日已發汗若吐若下若溫針仍不
解者多變為壞病又太陽病轉入少陽已吐下發汗少
陽證能此為壞病知犯何逆以法治之此皆由傷寒病
在諸經絡發汗吐下而病證不除又感異氣氣有寒暑
燥濕風不同病亦隨變故謂之壞病又有傷寒過經再
受熱邪留蓄藏府病候多變者及傷寒解後虛羸少氣
餘證未除者皆謂之壞病也

傷寒壞病
論曰傷寒大陽病三日已發汗若吐若下若溫針仍不
解者多變為壞病又太陽病轉入少陽已吐下發汗少
陽證能此為壞病知犯何逆以法治之此皆由傷寒病
在諸經絡發汗吐下而病證不除又感異氣氣有寒暑
燥濕風不同病亦隨變故謂之壞病又有傷寒過經再
受熱邪留蓄藏府病候多變者及傷寒解後虛羸少氣
餘證未除者皆謂之壞病也
治傷寒壞病差後或十數日或半月二十日終不惺惺
精神昏語言錯又無寒熱醫或作鬼崇或作風疾多端



治癩弗效或朝夕潮熱頰赤或似瘡皆由發汗不盡餘毒在心包絡間所致知母麻黃湯方二十日發汗不盡餘

知母焙壹兩半 麻黃去根節煎去沫 甘草炙

芍藥 黃芩去黑心各半兩 桂去麤皮半兩盛暑中可減半

右六味剉如麻豆大每服五錢匕水一盞半煎至八分去滓溫服半日內可相次三服溫覆取汗未汗再服若心煩不眠欲飲水者當稍稍與之令胃中和即愈

治傷寒壞病經數日未差諸藥不能除升麻湯方

升麻 鼈甲醋炙去裙襴 枳殼去麤炒

犀角鎊 葛根 黃芩去黑心各參分

甘草炙 前胡去蘆 烏頭炮裂去皮臍各半兩

右九味剉如麻豆每服五錢匕水一盞半煎至八分去滓下地黃汁二合攪勻食後溫服

治傷寒壞證經半月不解鼈甲湯方

鼈甲醋炙去裙襴 芪胡去苗 升麻

枳實細剉去麤炒 犀角鎊 黃芩去黑心各壹兩

甘草炙 烏梅肉各半兩

右八味麤擣篩每服五錢匕水一盞半煎至八分去滓下地黃汁二合攪勻食後溫服

治傷寒壞病醫所不能治熱在胸中不能言語麥奴方

麥奴

釜底墨

竈突墨

梁土塵

大黃剉

黃芩去黑心

朴消研各半兩

麻黃去根節壹兩

右八味搗研為末鍊蜜和搗三五百杵丸如彈丸大每服一丸新汲水研下如渴當極飲水不欲水亦強

飲之須臾必寒寒已汗出差

治傷寒壞病冷熱相搏心下結胸滿氣急大便不利體變黃青黑如桃枝色四肢逆冷熱結在內者不可服湯

飲宜麝香丸方

麝香研

豬苓去黑皮

朴消研

薨花炒

芫花醋炒各壹分

大黃剉

商陸

甘遂炮各半兩

右八味搗研為末鍊蜜和搗三五百杵丸如菉豆大每服十九食前溫湯下良久必利未利再服

治傷寒壞病頭與骨肉俱痛狂言妄語醫所不療者黑

奴丸方

麻黃去根節壹兩半

黃芩去黑心

甘草剉

竈突墨

芒消各壹兩

豉壹合

右六味搗羅為末鍊蜜和搗三五百杵丸如彈子大每服一九新汲水研下不拘時候

治傷寒壞病大効丸方

烏頭

附子

各壹兩貳味去皮臍為末用醋壹升煎盡為度又入好酒

壹升再煎成膏後入諸藥

烏蛇

酒浸去皮骨炙

細辛

去苗

厚朴

去麤皮薑汁炙

人參

赤茯苓

去黑皮

桂皮

去麤皮

乾蠍

炒

木香

乳香

研

草豆蔻

去皮

硃砂

研

胡桐淚

檳榔

剉

膩粉

不灰木

各壹分

右一十七味將一十五味搗研為末入二味膏子內

和搗丸如梧桐子大每服十九丸如陽盛研牛黃膩粉

水下如陰盛發厥心胸結痞煎柳枝湯下

治傷寒壞病經久不差潮熱不退身體沉重昏憤煩悶

麥門冬湯方

麥門冬

去心焙

赤茯苓

去黑皮各壹兩

鼈甲

去裙襴醋炙貳兩

甘草

炙剉半兩

右四味麤搗篩每服三錢七水一盞烏梅一箇小麥

五十粒同煎至七分去滓溫服不拘時候

治傷寒壞病潮熱頰赤口乾煩躁神思昏塞經久不差

前胡湯方

前胡去蘆頭

芫胡去苗

常山

人參

葛根剉各兩

甘草炙剉

右六味麤擣篩每服三錢匕水一大盞烏梅一箇椎碎生薑三片煎至七分去滓溫服不拘時候

傷寒狐惑

論曰狐惑之病或初得狀似傷寒或因傷寒而變然皆蟲證也蟲食其喉為惑使人聲啞蟲食其下部為狐使人咽乾其候皆默默欲眠不得卧起居不安惡飲食而目乍赤乍白乍黑是也此由傷寒病腹內熱飲食少腸胃空虛而蟲為之不安故隨所食上下部而病名狐惑也

治傷寒變成狐惑其脉數無熱微煩默默但欲卧汗出得之三四日眼赤得之七八日日四眦黑能食者膿已成也宜赤小豆當歸散方

赤小豆壹升水浸令芽生焙乾

當歸切焙

右二味搗羅為細散每服二錢匕漿水一盞煎五七沸和滓溫服不拘時

治傷寒不發汗十日以上成狐惑病腹脹面赤惡聞食臭羚羊角湯方

羚羊角鎊

大腹井皮子

苈胡去

朴消各半

萎蕤參

石膏碎

桑根白皮剉各壹兩

右七味麤搗篩每服五錢匕水一盞半煎至八分去

滓溫服不拘時

治傷寒不發汗後變成狐惑脉數無熱微煩目赤但欲

眠睡咽乾不能食黃芩湯方

黃芩去黑心

射干各壹兩

黃連去須炒

甘草炙

前胡去蘆頭

青竹筍

知母焙各半兩

右七味麤搗篩每服五錢匕水一盞半煎至八分去

滓食後溫服

治傷寒發汗後變成狐惑毒氣發盛惡聞飲食咽中乾

痛胸脇滿悶犀角湯方

犀角鎊參

黃連去須炒

芍藥

木通剉

木香

枳實去瓢炒

射干

人參

半夏湯洗各半兩

右九味麤搗篩每服五錢匕水一盞半生薑一棗大

拍碎煎至八分去滓食前溫服

治傷寒狐惑病桃人湯方

桃人

去皮尖
雙入炒

槐子

艾各壹兩

右三味咬咀如麻豆大每服五錢匕水一盞半棗三

枚擘破煎至八分去滓溫服

治傷寒狐惑咽喉澀痛唇口破唾膿血知母湯方

知母焙壹兩

石膏貳兩

黃芩去黑心

甘草炙剉各參分

右四味麤搗篩每服五錢匕水一盞半糯米一匙煎

至八分去滓食前溫服

治傷寒病後有瘡出下部黃連犀角湯方

黃連去須半兩

犀角鎊壹兩如無以升麻代之

烏梅柒枚

木香壹分

右四味咬咀如麻豆大每服三錢匕水一盞煎至六

分去滓溫服

治傷寒陰陽不和變成狐惑目如鳩赤面色斑紋如錦

木通湯方

木通剉壹兩

吳茱萸湯洗參桂去麤皮

細辛去苗葉各半兩

甘草參分

右五味麤搗篩每服五錢匕水一盞半棗二枚擘破

葱白五寸煎至八分去滓食前溫服

治傷寒不發汗成狐惑六七日不解寒熱來去胸脇滿

痛默默睡臥不欲食心煩善嘔腹痛前胡湯方

前胡去蘆頭壹兩半夏壹兩半湯洗

黃芩去黑心甘草炙到各一分人參壹兩

右五味麤搗篩每服五錢匕水一盞半生薑一棗大

拍碎棗三枚擘破煎至八分去滓空心溫服

治傷寒發汗不解變成狐惑寒熱無常心中躁悶不欲

飲食半夏湯方

半夏湯洗柒遍炒乾木通剉桃人湯浸去皮尖雙入炒

附子炮裂去皮臍桂皮去麤皮葛根

枳殼去麤皮黃芩去黑心各半兩羚羊角銹壹分

大升麻壹分麻黃去根節參分

右一十一味剉如麻豆每服五錢匕水一盞半生薑

一棗大拍碎煎至八分去滓溫服

治傷寒不發汗變成狐惑病在陽曰惑在陰曰狐其狀

默默眠睡起則不安喉中乾燥惡聞食臭其面或赤或

白語聲微弱先宜服此薰草湯方

零陵香去須炒黃連壹兩

右二味剉如麻豆大平分二服每服用漿水二盞浸

藥一宿煎至一盞去滓食前溫服日再

治傷寒狐惑下部蠱瘡雄黃導氣散方

雄黃研

青箱子

苦參

黃連各半兩

桃人去皮尖

炒研壹分

右五味搗研為散以生艾搗汁和如棗子大綿裹導

下部篇蓄汁和更佳冬月無艾只用散綿裹亦得

治傷寒發汗下利不解心中躁悶復熱發壯熱大腸不

通咽中乾痛變成狐惑皂莢丸方開食具其法

皂莢貳挺去皮子

慢火炙黑

大黃半兩

生用心其

檳榔剉

木香各壹分

右四味搗羅為末鍊蜜和搗三五百杵丸如梧桐子

大每服二十九生薑茶清下不拘時日再

治傷寒狐惑微煩默默欲臥毒氣上攻咽乾聲啞下蝕
濕瀝或便膿血雄黃丸方

雄黃研

當歸剉炒各參分

盧會研

麝香研各壹分

檳榔剉半兩

右五味搗研為末煮麩糊和丸如梧桐子大每服十

五丸至二十九食前溫粥飲下日三

治傷寒狐惑神思昏悶大便難肌膚熱芫胡散方

芫胡去苗

大黃剉炒

赤芍藥

檳榔剉

枳實剉炒去蘊

半夏半兩薑汁浸令透焙

右六味搗羅為散每服二錢七濃煎苦楝根湯調下

米飲亦得

治傷寒狐惑蟲蝕上部則聲啞甘草瀉心湯方

甘草炙肆兩

黃芩去黑心

人參

乾薑炮各兩

黃連去須兩

半夏湯洗去滑米徧暴乾貳兩

右六味咬咀如麻豆大每服五錢匕水一盞半生薑

二棗大拍碎煎取八分去滓溫服日再

治傷寒不發汗變成狐惑毒氣上攻喉咽疼痛下痢不

止地榆湯方

地榆

黃連去須

木香各半兩

白朮壹分半

甘草炙

阿膠炙燥各壹分

右六味麤擣篩每服五錢匕水一盞半生薑一棗大

拍碎煎至八分去滓食前溫服

治傷寒狐惑病在上焦撩膈湯方

苦參壹兩

甘草半兩生用

右二味細判用漿水一盞半煎至八分去滓五更初

服良久即吐

治傷寒狐惑毒攻下部肛内生瘡熏洗四皮湯方

槐白皮

柳白皮

桑白皮

桃白皮

右四味等分各細判每用四兩以漿水一斗煎至七

升去滓熏洗下部

治傷寒不發汗變成狐惑毒氣下蝕肛門痒甚不已或

下膿血檳榔丸方

檳榔

半兩生搗末

杏仁

肆拾玖粒湯浸去皮尖雙人研

丹砂

壹錢別例

麝香

半兩研

右四味同研勻細用錫和丸如棗核大先用椿根槐白皮各二兩以水一斗煎十餘沸去滓熏洗肛門後

將藥內之

治傷寒狐惑毒蝕下部肛外如蠹痛痒不止雄黃熏方

雄黃

研半兩

右一味先用瓶一隻口稍大者入灰半瓶灰上如裝香火將雄黃燒之候煙出坐瓶口熏之

傷寒百合

論曰傷寒百合病者謂百脉一宗悉致其病也其狀意欲食復不能食常默默欲得臥復不能卧欲出行復不能行食飲有時美亦有時不美如有寒復如無寒如有熱復如無熱口苦小便赤黃得藥則吐利者是也此皆由傷寒及虛勞大病後府藏俱虛榮衛耗弱不能平復變成斯疾也然以百脉一宗悉致其病又無復經絡故其病證變異而治之者亦宜各隨其證

治百合傷寒已經下後百合滑石代赭湯方

百合柴枚

滑石壹兩

代赭如彈丸大

石三味先以水洗百合漬一宿白沫出去其水更以新汲水二盞煎取一盞去滓別用新汲水二盞煮滑石代赭取一盞去滓後合和重煎取一盞半分溫再服

治百合傷寒病吐之後者百合雞子湯方

百合柴枚

雞子黃壹枚

右二味先以水洗百合漬一宿當白沫出去其水更以新汲水二盞煎取一盞去滓內雞子黃攪勻分溫

再服

治百合傷寒已經汗後百合知母湯方

百合柴枚

知母壹兩

右二味先將百合擘碎用新汲水二盞浸一宿當有白沫出去却洙水了却用新汲水二盞煮百合取汁一盞去滓盛於淨器中又將知母亦用新汲水二盞煮取一盞去滓後將百合知母汁相和同煎取一盞

治百合傷寒病變發熱百合滑石散方

百合壹兩

滑石參兩

右二味搗羅為散更入乳鉢研如粉每服空心米飲
調下二錢七日二服當微利即住服

治百合傷寒病已經吐下發汗病形如初者百合地黃
湯方

百合柴枚 生地黃汁壹

右二味先以水洗百合漬一宿白沫出去其水更以

新汲水二盞煮取一盞去滓內地黃汁再煎取一盞

半分溫再服中病勿更服大便當如漆

治百合傷寒病不差不思食欲成勞百合半夏湯方

百合貳 半夏湯洗柴偏 人參

赤茯苓去黑皮 黃連去須剉 知母各壹

生乾地黃焙壹兩半

右七味麤搗篩每服五錢匕用水一盞半入生薑一

分拍碎同煎至八分去滓食後溫服日二

治百合傷寒病久不差不思食欲成勞百合芫胡湯方

百合貳 芫胡去 知母焙

黃連去須剉 秦艽去苗 栝樓根各壹

甘草半兩

右七味麤搗篩每服五錢匕水一盞半生薑半分拍

碎煎至七分去滓食前溫服日三

治百合傷寒病似勞形狀如瘰百合紫苑湯方

百合

紫苑去苗

苳胡去苗

杏人

湯浸去皮尖
雙人炒令黃

白茯苓

去黑皮

甘草

炙令赤

右六味等分麤搗篩每服五錢匕水一盞半生薑半

分拍碎煎至七分去滓空心溫服日晚再服

治百合傷寒病補陰養陽厚朴散方

厚朴

去麤皮薑汁
炙令紫黑色

桃人

去皮尖雙人
炒黃別研

杏人

去皮尖雙人炒令黃別研各壹兩

紫石英

別研

白鮮皮

五加皮

桑根白皮

剉各半兩

右七味搗研為散更入乳鉢一處研如粉每服食前

用葱白糯米煎湯調下二錢匕日二

治傷寒差後已經二七日潮熱不解將變成百合病身

體沉重無力昏如醉狀百合前胡湯方

生百合

參枚洗

前胡

去蘆

麻黃

去節各壹兩半

葛根

剉貳兩

生麥門冬

去心半兩

石膏

參兩碎

右六味咬咀如麻豆大每服五錢匕水一盞半煎取

七分去滓溫服後如食頃再服

治百合傷寒兼下痢不止心中幅幅堅而煩嘔半夏湯

方

半夏參兩湯洗柒

黃芩去黑心

百合各壹兩半 乾薑炮裂

黃連去須剉

人參各壹兩 甘草炙令赤剉半兩

右七味麤搗篩每服五錢匕水一盞半生薑半分拍碎棗三枚擘破煎至七分去滓食前溫服日二

傷寒陰陽易

論曰凡傷寒大病之後氣血未復若房事太早不特令病人勞復因爾染易男病傳女女病傳男猶轉易然故名曰陰陽易其狀身熱衝胸頭重不能舉目眩四肢拘急苦小腹急痛力弱著床不能轉側舉動憑人若不即

治則死或經歲月漸至羸困亦死

治傷寒大病差後復勞陰陽易枳實湯方

枳實去蘆麩炒

梔子各壹分

豉貳合綿裹

雄鼠糞壹柒枚微炒

右四味麤搗篩用淘米泔二盞先煎取一盞半後下藥再煎取八分去滓食前分溫作二服未効再服

治傷寒陰陽易驚氣欲絕荆芥湯方

荆芥穗半兩

雞臍脰炙半兩

桑螵蛸剉炒壹分

鼠壹枚和皮骨燒灰別研

右四味以三味麤搗篩每服五錢匕用水二盞入葱

白薤白各一莖切煎至一盞去滓下鼠灰末一錢匕
攪令勻空心溫服日晚再服

治傷寒後未平復強合陰陽毒氣感動身體熱氣衝胸
頭重不能舉四肢拘急小腹疔痛或即筋脉舒緩氣力
疲乏眠卧著牀不能搖動甚者手足拳即死木香丸方

木香壹兩

犀角屑

生乾地黄焙

萎蕤各參

杜仲去麤皮炙

沉香剉

白朮各參

石膏研碎

當歸切焙各壹兩

芎藭剉

知母各參

茈胡去

肉蓯蓉酒浸去皺皮焙各壹兩

檳榔剉

藁朮剉

人參剉

白茯苓去黑皮各半兩

附子炮裂去皮臍壹兩

右一十八味搗羅為細末鍊蜜和丸梧桐子大每服
三十九丸空心溫酒下

治傷寒陰陽易一身疼重少氣小腹急或引陰中拘攣
熱上衝胸頭重不欲舉眼中生花或膝脛拘急燒禪散

方

婦人中禪

燒作灰婦人病取男者

右一味細研水服方寸七日二小便利陰頭腫為愈

治傷寒後陰陽易身體重小腹裏急陰頭微腫立効湯

方

雄鼠糞貳柴 雄鼠糞貳柴

右二味都用水三盞煎至二盞去滓不計時候一日

令盡汗出即愈

治傷寒後陰陽易頭痛壯熱石膏湯方

石膏貳兩 荆芥穗壹兩 青竹筍兩

右三味擣麤篩每服三錢七用水一盞煎至七分去

滓食後溫服

治傷寒後陰陽易小腹拘急陰腫身體熱毒氣衝心胸

頭重不能舉萎蕤湯方

萎蕤壹兩 桂去麤皮 木香分

雄鼠糞貳柴 荆芥穗兩

右五味麤擣篩每服五錢七用水一盞半煎至一盞

去滓食前溫服日再服以差為度

治傷寒後陰陽易頭重百節解吸吸少氣著牀不能搖

動甚者手足拳陰腫豐本湯方

韭根洗切 栝樓根各貳 青竹筍

乾薑各 雄鼠糞分

右五味麤擣篩每服五錢七用水一盞半煎至一盞

去滓食前溫服

治傷寒陰陽易二灰散方

手足指甲者 貳拾片男病用女 中衣褶壹片男病用女者女

病用男者

右二味並燒作灰研令細分三服不計時候溫酒調

下

治傷寒未平復陰陽交易壯熱頭痛或鼻中出血犀角

湯方

犀角鎊屑壹兩 石膏研碎參兩 竹筴剉碎至一盞

葛根剉 丹參各壹兩

右五味麤搗篩每服五錢匕水一盞半煎至一盞去

萍食後溫服

治傷寒後未平復合陰陽相易力劣汗出及鼻衄頭疼

杜仲散方

杜仲去麤皮炙剉壹兩 牡蠣熬貳兩

右二味搗羅為細散每服二錢匕食後濃煎麻黃根

湯調下日三服

傷寒鼻衄

論曰傷寒鼻衄者由熱氣蘊盛血液妄行蓋心主血肝則藏之肺主氣鼻則通之心肝為熱邪所傷則血隨氣行所以從鼻出也昔人謂陽盛則衄者蓋陽盛則熱盛

熱盛則宜衄故傷寒太陽證衄血乃解謂是故也至於陰病則不宜衄蓋陰證自無熱安得而衄故少陰病但厥無汗強發之必動血從口鼻耳目出者是謂下厥上竭爲難治也

治傷寒鼻衄脉微者黃芩芍藥湯方

黃芩

去黑心參分

芍藥

甘草

炙各半分

右三味麤搗篩每服三錢匕水一盞煎至六分去滓
林溫服

治傷寒及溫病應發汗而不發汗內有瘀血鼻衄吐血面黃大便黑犀角地黃湯方

犀角屑

如卒無以升麻代之

牡丹皮

各壹兩

生地黃

半斤

芍藥

參分

右四味咬咀如麻豆大每服五錢匕水一盞半煎至一盞去滓溫服有熱如狂者加黃芩去黑心二兩其人脉大來遲腹不滿自言滿者爲無熱不用黃芩
治傷寒衄血不止茅花湯方

茅花

壹把

右一味剉碎以水三盞煎濃汁一盞分二服無花以根代之

治傷寒熱病鼻衄不止或兼唾血黃連散方

黃連去須

伏龍肝

淡竹筴

各參分

黃芩

去黑心壹兩

梔子人

甘草

炙各半兩

右六味麤擣篩每服五錢匕水一盞半生薑一棗大拍碎煎至八分去滓入生地黃汁半合亂髮灰半錢匕攪勻更煎一沸食後溫服

治傷寒鼻衄不止竹筴湯方

青竹筴

黃芩

去黑心各壹兩

蒲黃

去心二兩其

伏龍肝

各半兩

右四味麤擣篩每五錢匕水一盞半煎至八分去滓下藕汁一合攪勻食後溫服

治傷寒鼻衄不止頭面俱熱犀角湯方

犀角

大青

甘草

炙各參分

升麻

雞蘇莖葉

小薊

各壹兩

黃芩

去黑心

芍藥

各壹兩半

生乾地黃

焙

朴消

各貳兩

右一十味咬咀如麻豆大每服五錢匕水一盞半煎至八分去滓溫服

治傷寒鼻衄不止此是陽毒攻肺阿膠湯方

阿膠

炙令燥

黃芩

去黑心各壹分

葱白

伍寸連須

艾葉

炒半兩

右五味細剉分作二服每服用水一盞半煎至七分

去滓下生地黃汁一合攪勻食後溫服

治傷寒鼻衄及吐血心中堅鞭徧身疼痛四肢煩悶刺

薊湯方 刺薊 生麥門冬心去 生乾地黃培各

雞蘇 赤茯苓去黑皮 青竹筴各半兩

右六味咬咀如麻豆大每服三錢匕水一盞生薑一

棗大拍碎煎至七分去滓食後溫服

治傷寒鼻衄不止黃芩湯方

黃芩去黑心 梔子人參 大黃炒

蒲黃

荆芥穗各兩

右五味剉如麻豆大每服三錢匕水一盞半煎至八分去滓溫服不拘時候

治傷寒鼻衄不止金黃散方

鬱金 甘草炙各半兩 黃藥子

黃藥去麤皮炙

右四味搗羅為細散每服二錢匕冷水調下不拘時以止為度

治傷寒頭痛壯熱鼻衄不止釣藤湯方

釣藤 桑根白皮剉 馬牙消各壹兩

梔子人

甘草各分

大黃炒

黃芩去黑心各

右七味麤搗篩每服三錢匕水一盞竹葉三七片煎至六分去滓下生地黃汁一合攪勻食後溫服
治傷寒鼻衄不止竹筴湯方

青竹筴雞子大 生地黃半兩

右二味以水一盞半煎至八分去滓食後溫服

治傷寒肺熱衄血不止羚羊角湯方

羚羊角鎊 犀角鎊 麥門冬去心

梔子人 紫苑去苗土 牛黃研

玄參各分

人參

黃耆

甘草各半兩 赤茯苓去黑皮

右一十一味麤搗篩每服五錢匕水一盞半煎至八分去滓食後溫服日二

治傷寒內熱鼻衄痰壅吐逆前胡湯方

前胡去蘆 甘草炙 白朮

陳橘皮湯浸去白焙 大腹皮各分 赤茯苓去黑皮

旋復花 桔梗炒各半兩 半夏湯洗

右九味麤搗篩每服五錢匕水一盞半生薑一棗大拍碎煎至八分去滓食後溫服

治傷寒鼻衄去五藏熱毒黃土湯方

竈中黃土

當歸切炒

甘草炙

芍藥

黃芩去黑心

芎藭各參分

佳去龜皮壹分

生乾地黃兩半

青竹筍兩半

右九味麤搗篩每服五錢匕水一盞半煎至八分去

滓食後溫服

治傷寒鼻衄不止髮灰散方

亂髮

壹團如椀大燒成灰麝香研半錢七

右二味同研極細每服一錢匕新汲水調下又取少

許吹鼻中立差

治傷寒衄血心胸煩滿四生飲方

生地黄汁合參

生藕汁合貳

生刺薊汁合壹

生薑汁合半

白藥子壹分爲末

右五味和勻於銀石器中微溫過食後分二服

治傷寒鼻衄不止頭痛壯熱升麻湯方

升麻

雞蘇莖葉

芍藥各壹兩

青蒿

犀角各半兩

芒消參分

右六味麤搗篩每服三錢匕水一盞煎至六分去滓

下地黃汁一合食後溫服

治傷寒鼻衄及一二斗不止苦藥散方

苦藥壹兩

右一味搗羅為細散每服一錢匕食後新汲水調下

治傷寒鼻衄地黃飲方

生地黃汁合貳 蜜合貳

右二味攪勻頓服

治時疾壯熱頭痛鼻衄不止生地黃飲方

生地黃汁 生藕汁 生薑汁

生蜜各貳合

右四味和勻分作三服每服微煎過食後臨臥服

大德重校聖濟總錄卷第二十九

